



## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 100. Nivernius Dux quarta vice ad Pontificis alloquium admissus.

---

[urn:nbn:de:hbz:466:1-67252](https://nbn-resolving.org/urn:nbn:de:hbz:466:1-67252)

Sæcul. XVI. riam de Livonum bello, ad quod opus  
 A C 1594. Philippus Olmenus Tilemano argumen-  
 ta suppeditabat.

§. C.

*Nivernius Dux quarta vice ad Pon-  
 tificis alloquium admissus.*

*Tuan. hist.* Interea Nivernius Dux Romæ Papam  
*lib. 108.* sollicitare non desistebat, ut tandem  
 Franciæ Rex in gratiam reciperetur,  
 unde etiam die secunda Januarii anno  
 restauratæ salutis millesimo quingentesimo  
 nonagesimo quarto jam quarta  
 vice ad alloquium admissus coram Pon-  
 tifice mentionem fecit de literis, quas  
 Cliella deferendas suscepit, ac Sancti-  
 tati suæ unacum aliis scriptis exhibuit:  
 ad hæc igitur responsum scripto dari pe-  
 titiit Nivernius: id autem renuit Ponti-  
 fex, hæc caussatus: „haud in more po-  
 „situm est, ut res cum Oratoribus per  
 „scripturas agantur, Regi autem in-  
 „tegrum est, illos Theologos, qui ejus  
 „latera obsident, in consilium vocare:  
 „de cetero haud alia, quæ proponam  
 „occurrunt., Ad hæc Dux repetitis præ-  
 cibus, an præsentem Rege rem Divinam  
 peragere liceret, sciscitabatur, & Papam  
 rogabat, ut Episcopis a Rege nomina-  
 tis literas Apostolicas concedere velit:  
 insuper Dux haud obscure insinuabat,  
 quod tunc, si Pontifex id recusaret,  
 facili

facili negotio Pragmatica sanctio restau-  
rari, & concordatum aboleri posset, cum  
id ipsum non sine maximis difficultati-  
bus, quæ adhucdum obversarentur, re-  
ceptum fuisset: nihilominus Papa nil  
inde territus respondit, quod Bullas con-  
cedere nequiret Episcopis, ab ejus-  
modi Rege nominatis, quem ipse agno-  
scere non posset.

Sæcul. XVI.  
A.C. 1594.

§. CI.

*Postremum colloquium, ac Ducis dis-  
cessus Venetias versus.*

Accepto hoc responso Dux recedere  
coactus quinto post die a Cardinale  
Toleto salutabatur, quocum acrius de  
Pontificis pertinacia colloquebatur, act.  
eidem significare haud reformidabat,  
quod ex Papæ repulsa in Galliis schis-  
ma, non minus funestum, quam est illud  
in Germania, oriturum esset: cum au-  
tem Cardinalis Toletus agendi ratio-  
nem, quam Pontifex tenuerat, excu-  
sare niteretur, Dux postremo ad Pon-  
tificis alloquium admitti petiit, ut ab-  
eundi facultatem ab eo postulare posset.  
In hoc colloquio Dux expositis quibus-  
dam querendi causis tandem Papam  
ita alloquebatur: „His insuper addam,  
„quod Sanctitas vestra Pisano Marchio-  
„ni per integrum annum alloquii copiam  
„denegarit, etsi is tot Regiæ stirpis Prin-  
cipum,

Thuan. l. c.  
Avil. l. 14.  
Mem. de  
Duc de Nev.  
act. 1. Son  
Discours sur  
la Legat.